

Broj: UP-I/05-23-137-5/07 SN
Sarajevo, 2. 12. 2010.

Federalno ministarstvo okoliša i turizma, rješavajući zahtjev za tvornicu pumpi i prečištača POBJEDA d.d. TEŠANJ, ul. Bukva bb u Tešnju za odobrenje Plana aktivnosti temeljem čl. 86. stavak 1. Zakona o zaštiti okoliša ("Službene novine Federacije BiH", br. 33/03 i 38/09), čl. 19. i 20. Zakona o upravljanju otpadom ("Sl. novine Federacije BiH", br. 33/03 i 72/09), čl. 5. Pravilnika o uvjetima za podnošenje zahtjeva za izdavanje okolinske dozvole za pogone i postrojenja koja imaju izdate dozvole prije stupanja na snagu Zakona o zaštiti okoliša ("Službene novine Federacije BiH", broj 45/09 i 43/10), te čl. 200. i 220. Zakona o upravnom postupku ("Sl. novine Federacije BiH", broj: 02/98 i 48/99), donosi:

ZAKLJUČAK

Odobrava se Plan aktivnosti postojećih pogona i postrojenja tvornice pumpi i prečištača POBJEDA d.d. TEŠANJ, ul. Bukva bb, Tešanj.

Obrazloženje

Dana 03.9.2007. pod brojem UP-I/05-23-137/07, operator – tvornica pumpi i prečištača POBJEDA d.d. TEŠANJ, ul. Bukva bb, Tešanj, dostavio je Federalnom ministarstvu okoliša i turizma Plan aktivnosti, kao preduvjet za izdavanje okolišne dozvole, a u svrhu odobrenja istog. Izrađivač Plana aktivnosti i Plana upravljanja otpadom je operator - tvornica pumpi i prečištača POBJEDA d.d. TEŠANJ.

Nakon uvida u sadržaj dostavljenog Plana aktivnosti operatora, obilaska pogona/postrojenja 31. 08. 2009. godine, Stručna komisija za ocjenu Plana aktivnosti postojećeg pogona i postrojenja, imenovana Rješenjem Federalnog ministarstva okoliša i turizma broj: UP-I/05-23-137-1/07 od 13.05.2009. godine dala je ocjenu mjera i aktivnosti za svaki od postavljenih zahtjeva.

Stručna komisija je konstatirala da je uglavnom odgovoreno zakonskim zahtjevima, ali da je nekoliko tačaka Plana aktivnosti potrebno detaljnije obraditi prema uputama datim u tabeli i pojedinačnim izvještajima eksperata, članova Stručne komisije.

Dana 23.03.2010. godine zatražena je od strane Federalnog ministarstva dopuna Plana aktivnosti, a revidirani – dopunjeni Plan aktivnosti po preporukama Stručne komisije/povjerenstva operator je dostavio 27. 7. 2010. godine.

Nakon analize revidiranog – dopunjenog Plana aktivnosti sa priloženim Planom za upravljanje otpadom, Stručna komisija je donijela izvješće o analizi i ocjeni prihvatljivosti dopunjenog Plana aktivnosti za tvornicu pumpi i prečištača POBJEDA d.d. TEŠANJ, u kojem se konstatira da predmetni Plan aktivnosti **uglavnom zadovoljava** zahtjeve postavljene u Pravilniku o uvjetima za podnošenje zahtjeva za izdavanje okolišne



dozvole za pogone i postrojenja koji imaju izdate dozvole prije stupanja na snagu Zakona o zaštiti okoliša ("Sl. novine Federacije BiH", br. 45/09 i 43/10).

Na način i po postupku kako je to propisano člankom 36. Zakona o zaštiti okoliša ("Sl. novine Federacije BiH", br. 33/03), člankom 8. Zakona o izmjenama i dopunama zakona o zaštiti okoliša (Sl. novine Federacije BiH 38/09) Federalno ministarstvo nastavlja postupak ocjene dopunjenog Plana aktivnosti upoznavanjem svih zainteresiranih strana sa istim, putem web stranice federalnog ministarstva, www.fmoit.gov.ba od 19.01.2010. godine.

Obzirom da je dopunjeni Plan aktivnosti utvrdio zakonom određene mjere i aktivnosti za ublažavanje negativnih efekata na okoliš, rokove provođenja i financiranje ovih mjera i aktivnosti u naredom petogodišnjem periodu (2010.-2014.) u iznosu od 129.000 KM, te utvrdio mjere monitoringa, Federalno ministarstvo je ocijenilo da je Plan aktivnosti za tvornicu pumpi i prečistača POBJEDA d.d. TEŠANJ, okolišno prihvatljiv, te da operator neće, u mjeri većoj od one propisane zakonom, ugroziti okoliš.

Nakon ovako provedenog postupka ocjene dopunjenog Plana aktivnosti, te s obzirom da nije bilo primjedbi i sugestija od strane javnosti i nadležnih organa, odnosno zainteresiranih strana, Federalno ministarstvo je ocijenilo da su se stekli uvjeti za odobravanje Plana aktivnosti u smislu članka 86. Zakona o zaštiti okoliša i članaka 5. Pravilnika o uvjetima za podnošenje zahtjeva za izdavanje okolinske dozvole za pogone i postrojenja koja imaju izdate dozvole prije stupanja na snagu Zakona o zaštiti okoliša ("Službene novine Federacije BiH", broj 45/09 i 43/10), te je odlučeno kao u dispozitivu ovog zaključka.

Ovaj zaključak je konačan i protiv njega nije dopuštena žalba.

Protiv ovog zaključka može se pokrenuti upravni spor podnošenjem tužbe kod Kantonalnog suda u Sarajevu u roku od 30 dana od dana prijema zaključka. Tužba se podnosi u dva istovjetna primjerka i uz istu se prilaže ovaj zaključak u originalu ili ovjerenom prijepisu.

Dostaviti:
- POBJEDA d.d. TEŠANJ
- dokumentacija
- arhivi

